

《佛說無量壽經》 補充講表


◎附表三十：以下糅合《佛說無量壽經甄解》

○於其國土，所有萬物，無我所心，無染著心。

*我：常一主宰。常：恆常住。一：不變異。主宰：自在力。我所：所觀境或依報境界。

○得深禪定，諸通明慧，遊志「七覺」，修心佛法。

*七覺支又名七菩提分，分即支也。



○肉眼清徹，靡不分了；天眼通達，無量無限；……佛眼具足，覺了法性。

肉眼：即此血肉之軀所具之眼。所見有限者，為煩惱所障故也。以下糅合《金剛經講義》
天眼：有由業力得者，如欲天以福業得之。有由定力得者，色天、無色天，皆是定力。

慧眼：以根本智，照見真空之理。智即是慧，故名慧眼。若慧眼以上，非修出世法不能有。

法眼：以後得智，照見差別之事。得此智者，不但證真空理，通一切佛法，并通世俗一切法，及通一切眾生因因果果，起心動念等差別事相，故名法眼。然猶不及佛之法眼也。菩薩所見齊此。前三種眼，菩薩皆有，自不待言。惟無佛眼耳。

佛眼：智無不極，照無不圓。惟佛有之，故名佛眼。

※佛說五眼，其旨云何？蓋借五眼以明佛見圓融也。約佛邊言，雖名肉眼，而見無數世界。不同凡夫之有所限，只見障內也。以天眼言，凡夫天眼，只見肉眼所不能見。二乘天眼，惟見一三千大千世界。菩薩天眼，雖勝二乘而不及佛。惟佛之天眼，能見恆河沙數佛土。

以慧眼言，二乘慧眼，惟能照見我空。地上菩薩慧眼，亦是分證法空。佛之慧眼，則圓照三空，洞徹真性。以法眼言，菩薩法眼，所知障未盡，地地之中，各有分限。惟佛法眼，所知障盡，無法不知，故無生不度也。由是可知約佛邊言，不過名為四眼，表其隨感斯應耳，其實惟一佛眼而已。故古德曰：前四在佛，總名佛眼也。

※舉一佛眼，便攝四眼。今乃一一遍舉四眼而問，皆答云有者。正明不執一見也。若四眼皆答無，惟佛眼答有。是獨執一佛眼，豈佛之圓見乎！豈法無我乎！

※龍樹解云：「如四大河流，至天池通名『大海』，如是四眼，流至佛果，通為佛眼。」

○等觀三界，空無所有，志求佛法，具諸辯才，除滅眾生煩惱之患。

※《中論觀行品》第十三云：「大聖說空法，為離諸見故，若復見有空，諸佛所不化。」

又云：「未曾有一法，不從因緣生，是故一切法，無不是空者。」

※從如來生，解法如如。

《金剛經講義》云：「如如者，真如之異名也，皆謂本性。然立二名者，真如是指本具者言，如如是指證得者言耳。蓋證性之時，智外無理，理外無智；智理冥合，謂之智如理如，故曰如如也。如如之義，明其能所雙亡也。因其無能證，無所證，迴脫根塵，靈光獨耀，是以寂照同時。因其寂時照，照時寂，是以無相無不相。」

○善知集滅音聲方便。

集滅：四諦（苦、集、滅、道）略說，有生滅、無生、無量、無作四種四諦，為所證法。

音聲方便：指世俗諦的語言文字。為教法。《楞嚴經》云：「此方真教體，清淨在音聞。」

《楞嚴文句》云：「此方偏用三塵。若黃卷赤牘，則色塵為教體；聞法得悟，則音聲為教

體；歷法觀察，則法塵為教體。今約佛世，聞音獲證者多，兼以末世，

亦從語言指示得悟者眾，故云此方真教體，清淨在音聞。」

善知：指能悟證法，與通達教法而言。

○知一切法，皆悉寂滅。（諸法從本來，常自寂滅相。）

《占察善惡業報經義疏》云：「知惟心生，則色本無生，知唯心滅，則色本無滅。」

○常能修行，其大悲者，深遠微妙，靡不覆載。

《大方廣佛華嚴經普賢行願品》云：「諸佛如來以大悲心而為體故。因於眾生，而起大悲：

因於大悲，生菩提心；因菩提心，成等正覺。譬如曠野砂磧之中，有大樹王，

若根得水，枝葉華果悉皆繁茂。生死曠野菩提樹王，亦復如是。一切眾生而

為樹根，諸佛菩薩而為華果，以大悲水饒益眾生，則能成就諸佛菩薩智慧華

果。何以故？若諸菩薩以大悲水饒益眾生，則能成就阿耨多羅三藐三菩提故。」

○究竟一乘，至於彼岸，決斷疑網，慧由心出。

《佛說觀無量壽佛經》云：「是心作佛，是心是佛。諸佛正徧知海，從心想生。」